



Pecyn Ymgeisydd i Aelodau Pwyllgor Cymru

Croeso

Annwyl ymgeisydd,

Diolch i chi am eich diddordeb mewn ymuno â Chymorth i Ddioddefwyr fel aelod o Bwyllgor Cymru. Rwy'n gobeithio y byddwch chi'n dysgu ychydig yn fwy amdonom drwy'r pecyn hwn a thrwy bori ar ein gwefan. Byddwn i wrth fy modd pe bai hyn yn arwain i gais gennych.

Rydym yn falch o fod â lleoliad yng Nghymru yn ein Canolfan Gyswllt Genedlaethol a leolir yn Llaneirwg. Ni yw'r Elusen i ddioddefwyr flaenllaw yng Nghymru a Lloegr sy'n cefnogi pobl mae troseddu a digwyddiadau trawmatig yn effeithio arnynt. Rydym yn cynnig cymorth annibynnol, wedi'i bersonoleiddio i helpu pobl i ymdopi yn dilyn troseddu a theimlo'n fwy diogel drwy gyfuniad o wasanaethau arbenigol pwrpasol yn ogystal â chymorth ar-lein. Rydym hefyd yn hysbysu dioddefwyr am eu hawliau gan sicrhau y gallant leisio eu barn drwy gydol eu cymorth a'r tu hwnt iddo. Rydym yn defnyddio tystiolaeth o'n profiad ni o sut mae troseddu yn effeithio ar ddioddefwyr i ddylanwadu ar randdeiliaid a llunwyr polisi i achosi newid cadarnhaol. Rydym yn sefydliad sy'n canolbwyntio'n gyfan gwbl ar ddioddefwyr - mae dioddefwyr wrth wraidd popeth a wnawn.

Rydym yn chwilio am aelodau newydd ar gyfer ein Pwyllgor Cymru. Is-bwyllgor yw hwn o Fwrdd yr Ymddiriedolwyr ac mae'n cynnig swyddogaeth cynghori a chymorth i weithgareddau ac ymgysylltiad partneriaeth yng Nghymru. Er ei fod yn gweithredu o fewn y fframwaith Cymorth i Ddioddefwyr ehangach, mae gan Bwyllgor Cymru rôl bwysig wrth ystyried y tirlun gweithredol unigryw yng Nghymru a sicrhau y caiff datblygiadau newydd eu datblygu fel y bo'n briodol i'r maes.

Rydym yn bodloni heriau'r amgylchedd gweithredol presennol drwy ehangu ein gwasanaethau, ac mae gwasanaethu dioddefwyr troseddu wrth wraidd yr hyn a wnawn.

Byddwch yn ymuno â grŵp ymroddedig o bobl sy'n cefnogi tîm dawnus sy'n canolbwyntio ar greu dyfodol lle caiff hawliau dioddefwyr eu parchu, caiff eu lleisiau eu clywed a'u hanghenion eu diwallu.

Angela Gascoigne
Cadeirydd Pwyllgor Cymru

Amdanom ni

Gall cael profiad o droseddu eich llorio. Yn naturiol, gallech chi deimlo nad ydych chi'n ddiogel. Efallai na fyddwch chi'n gwybod at bwy y gallwch chi droi. Efallai y byddwch chi hefyd yn ei chael hi'n anodd ymdopi â thasgau sy'n gysylltiedig â'ch profiad.

Dyma pham mae Cymorth i Ddioddefwyr yn gwneud gwahaniaeth pwysig i fywydau'r bobl rydym yn eu cefnogi. Rydym yma i helpu pobl mae troseddu yn effeithio arnynt. Nid yn unig y rhai hynny sy'n ei brofi'n bersonol, ond eu ffrindiau a'u teulu ac unrhyw un arall a allai fod yn rhan ohono.

Rydym yn cynnig cymorth annibynnol, cyfrinachol ac am ddim i bobl mae troseddu neu ddigwyddiadau trawmatig yn effeithio arnynt, gan eu helpu i symud ymlaen gyda'u bywydau. Rydym hefyd yn gweithio i ddeall y problemau mae dioddefwyr a thystion yn eu hwynebu gan geisio ysgogi newid cadarnhaol.

Ein **pwrrpas** ni yw cefnogi dioddefwyr i symud ymlaen ac ysgogi newid drwy eu lleisiau nhw.

Ein **gweledigaeth** ni yw dyfodol lle caiff hawliau dioddefwyr eu parchu, lle caiff eu lleisiau eu clywed, a lle maent yn teimlo bod cymorth cadarn iddynt.

Mae ein staff a'n gwirfoddolwyr wedi'u hyfforddi i wrando, cynnig adborth a chynnig gwybodaeth. Gallant helpu pobl mae troseddu yn effeithio arnynt i wneud synnwyr o'r hyn sydd wedi digwydd iddynt ac archwilio eu hopsiynau i'w helpu i deimlo mewn rheolaeth eto. Rydym yn cynnig lle diogel a niwtral i rannu ofnau, pryderon ac emosiynau.

Rydym yn **lleol**; mae ein staff a'n gwirfoddolwyr lleol yn dod o'r cymunedau lle maent yn byw ac yn gweithio.

Rydym yn **genedlaethol**; rydym yn cynnig gwasanaethau i bobl ym mhob rhan o Gymru a Lloegr.

Rydym yn **annibynnol** ar yr heddlu, y llywodraeth, awdurdodau lleol, gwasanaethau mewnfudo a'r system cyfiawnder troseddol.

Rydym yn **gynhwysol** ac yn gwneud ymdrech rhagweithiol i ddiwallu anghenion pobl wahanol sy'n cymryd camau bwriadol i greu amgylchedd lle mae pawb yn teimlo eu bod nhw'n cael eu parchu.

Rydym yn gwneud gwahaniaeth ac yn sicrhau ansawdd ein holl wasanaethau drwy ein hymagwedd o welliant parhaus.

I gyflawni ein cenhadaeth a'n diben, byddwn yn:

- Galluogi pobl i deimlo'n fwy diogel a bod yn fwy gwybodus am strategaethau i leihau risg.
- Grymuso pobl i gyrchu eu hawliau a'r hyn maent yn gymwys iddo.
- Gwrando gyda thrugaredd, cydnabod profiadau pobl a helpu pobl i symud ymlaen.
- Cefnogi pobl i leisio eu barn ac ymgyrchu dros welliannau i hawliau dioddefwyr

Ein Gwerthoedd

Mae ein gwerthoedd yn sail i'n ffordd o weithio, o gyflwyno gwasanaethau a gweithio gyda'n gilydd a'n partneriaid.

Yn bwysicach byth, maent yn dangos "**MAE HYN YN BWYSIG I MI**":

Uniondeb

Rydym yn gwerthfawrogi ein hannibyniaeth ac yn gweithredu gydag uniondeb ym mhopeth a wnawn. Mae ein gweithredoedd ni'n seiliedig ar yr hyn sydd orau i ddioddefwyr ac wedi'u llywio gan eu lleisiau nhw.

Trugarog

Rydym yn gweithredu fel un tîm ac rydym yn garedig ac yn drugarog i'r bobl rydym yn eu cefnogi ac i'n gilydd.

Hygyrch


Rydym yn agor drysau i bobl mae troseddu yn effeithio arnynt, p'un a ydynt wedi adrodd amdano ai peidio. Rydym yn ymdrechu i gynnig mynediad cyfartal i gyfleoedd ac adnoddau i ddefnyddwyr ein gwasanaethau a'n cyflogeion.

Penderfynol

Rydym yn ddewr ac yn ddigyfaddawd yn ein dyhead i ymgyrchu dros ddioddefwyr a thystion. Rydym yn cydweithio ac yn gweithio mewn partneriaeth ag eraill i gyflawni'r canlyniad gorau i ddioddefwyr.

Grymuso

Mae popeth a wnawn yn canolbwyntio ar alluogi dioddefwyr troseddu deimlo'n fwy hyderus ac a rheolaeth well dros eu bywydau.



Ein Strategaeth ar gyfer 2024 – 2029

Y llynedd, dathlon ni ein hanner cant o flynyddoedd yn cefnogi dioddefwyr troseddu. Rydym wedi newid llawer yn y cyfnod hwnnw, ond mae ein pwrpas wedi aros yn gyson. Rydym yn fwy penderfynol na byth i gefnogi dioddefwyr a'u grymuso er mwyn iddynt ailadeiladu eu bywydau yn dilyn troseddu, a siarad o blaid am newid.

Bellach rydym yn ail flwyddyn ein strategaeth pum mlynedd o hyd, sef **Cefnogi dioddefwyr, creu newid** *Yn dilyn ymlaen o'n strategaeth ddiwethaf, a ddaeth â chymorth parhaus i bobl mae troseddu neu ddigwyddiad trawmatig yn effeithio arnynt a diogelwch i'r sefydliad, rydym am barhau gyda'r gwaith hollbwysig hwnnw a hefyd defnyddio ein gwaith i ysgogi newidiadau i ddioddefwyr ledled y wlad.*

Wrth ddatblygu'r strategaeth hon, pennon ni chwe blaenoriaeth strategol i lywio ein gwaith:

Defnyddio ein llais a'n dylanwad

Bydd yn llais cydnabyddedig, dibynadwy a blaenllaw yn genedlaethol i ddioddefwyr. Byddwn yn dylanwadu ar y diwygio gofynnol ar lefel genedlaethol a lleol.

Defnyddio ein mewnwelediad

Byddwn yn gwneud y mwyaf wrth roi gwersi a ddysgir a mewnwelediad o'n gwasanaethau ar waith er mwyn cynnig y gwasanaethau mwyaf effeithiol ac effeithlon, a disgrifio'r gwasanaethau a llwybrau gorau i ddioddefwyr.

Gwella ein cryfderau

Byddwn yr arweinwyr uchelgeisiol yn ein hardaloedd cryf er mwyn sicrhau y gall y nifer fwyaf o ddioddefwyr gyrchu'r gwasanaethau mae eu hangen arnynt i symud ymlaen â'u bywydau.

Cefnogi ein pobl a'n diwylliant

Byddwn yn canolbwyntio ar gyflawni i ddioddefwyr ac yn uno at y diben hwnnw, gan gael ein cydnabod fel cyflogwr a chyfle gwirfoddoli o ddewis. Rydym yn sefydliad lle mae dysgu a gwelliant wrth wraidd sut mae pobl yn gweithio ac yn rhyngweithio.

Cyflwyno ansawdd ac arloesedd

Byddwn yn gwreiddio diwylliant o ansawdd ac arloesedd, gan gyflwyno gwasanaethau dioddefwyr o safon.

Cyrraedd dioddefwyr

Byddwn yn sefydliad a gynhelir yn dda, sy'n sefydlog yn ariannol sy'n ymateb yn effeithiol i'r angen am wasanaethau i ddioddefwyr.

I gael rhagor o wybodaeth am sut y byddwn y cyflawni yn unol â'r chwe blaenoriaeth hyn, **dilynwch y ddolen hon**.

Disgrifiad Swydd

Teitl y Rôl Aelod o Bwyllgor Cymru

Pwrpas y Rôl

Pwrpas y Pwyllgor yw datblygu nodau ac amcanion Cymorth i Ddioddefwyr yng Nghymru drwy:

- Darparu swyddogaeth cynghori a chymorth i weithgareddau a gynhelir yng Nghymru.
- Gweithredu fel hwylusydd strategol ar gyfer gweithio mewn partneriaeth yng Nghymru.
- Gweithredu fel llysgennad ar gyfer gwasanaethau i ddioddefwyr yn eu hardaloedd lleol

Fel aelod o'r Pwyllgor, byddwch yn:

- Llysgennad ar gyfer Cymorth i Ddioddefwyr yng Nghymru a'n gwaith.
- Helpu i lywio cyfeiriad strategol Cymorth i Ddioddefwyr yng Nghymru.
- Gwneud argymhellion polisi i Fwrdd Ymddiriedolwyr Cymorth i Ddioddefwyr a rhoi cymorth wrth oresgyn heriau.
- Diffinio'r strategaeth a risgiau i Gymorth i Ddioddefwyr yng Nghymru.
- Treulio amser gyda'n gwasanaethau, gan ddod i ddeall eu gwaith.
- Cymryd rhan mewn cyfarfodydd y Pwyllgor a sicrhau bod y penderfyniadau a wneir mewn cyfarfodydd yn cael eu rhoi ar waith.
- Sicrhau bod anghenion dioddefwyr, tystion a theuluoedd y mae digwyddiadau trawmatig a throseddu'n effeithio arnynt bob amser wrth wraidd y penderfyniadau a wneir gan Gymorth i Ddioddefwyr.

I gael rhagor o wybodaeth am ein Bwrdd, [ewch i'n gwefan](#).



Manyleb Person

Rhan Un

Gwybodaeth a phrofiad

- Mae cysylltiadau neu bartneriaethau profadwy yng Nghymru yn hanfodol er mwyn cael eich ystyried ar gyfer y penodiad hwn.
- Dealltwriaeth o achos gwasanaethau i ddioddefwyr drwy brofiad personol o droseddu, gwirfoddoli neu wybodaeth am y system cyfiawnder troseddol.
 - Byddai croeso penodol i geisiadau gan unigolion â phrofiad sylweddol o weithio yn y System Cyfiawnder Troseddol, neu gyda hi, yng Nghymru.
 - Yn ddelfrydol, bydd gennych chi berthnasau cryf â'r sector dioddefwyr yng Nghymru.
- Profiad o'r sector elusennol fel uwch aelod o staff neu aelod pwyllgor, a dealltwriaeth o sut mae sefydliad o faint a chymhlethdod ein hun ni yn gweithredu.

Rhan Dau

Sgiliau a galluoedd

- Sgiliau cyfathrebu rhagorol, yn gallu magu cytundeb a herio confensiwn.
- Gallu dadansoddi a dehongli materion cymhleth, datrys problemau'n greadigol, a herio'n adeiladol lle bo angen.
- Yn ddelfrydol, ymwybyddiaeth wleidyddol a'r gallu i ddylanwadu.

Rhan Tri

Arddull arwain ac ymddygiad

- Ymrwymiad i ddatblygu eich gwybodaeth a'ch dealltwriaeth am sut mae Cymorth i Ddioddefwyr yng Nghymru yn cael ei redeg, gan gynnwys gwaith ymgysylltu â gwasanaethau lleol neu genedlaethol.
- Ymrwymiad i gefnogi a hyrwyddo pwrpas, gweledigaeth a chenhadaeth gwasanaethau i ddioddefwyr, a'n gwerthoedd, ac i egwyddorion cydraddoldeb, amrywiaeth a chynhwysiant.
- Ymrwymiad i weithredu fel aelod gweithgar o bwyllgor, gan roi'r amser a'r gwaith meddwl sy'n angenrheidiol.
- Barn annibynnol gadarn.
- Deallusrwydd emosiynol, a ffordd o weithio ego isel

Telerau penodiad

Cydnabyddiaeth

Cynigir y rôl ar sail wirfoddol. Caiff treuliau rhesymol a ysgwyddir wrth wneud y rôl eu had-dalu gan y sefydliad.

Lleoliad

Lleolir y swydd yn bennaf yn ein Canolfan Gyswilt genedlaethol yn Llaneirwg, Caerdydd, CF3 5EA.

Ymrwymiad Amser

Yr ymrwymiad amser disgwylidig yw tua chwe diwrnod y flwyddyn, gan gynnwys:

- Pedwar cyfarfod wyneb yn wyneb/ar-lein, fel arfer i'w cynnal yn ein Canolfan Gyswilt genedlaethol yn Llaneirwg.
- Ymweliadau â swyddfeydd neu wasanaethau lleol fel y bo'n briodol.
- Mynd i ddigwyddiadau codi arian neu rwydweithio'n achlysurol.

Cyfnod y Penodiad

Caiff aelodau eu penodi am dymor cychwynnol o dair blynedd. Efallai cânt eu hailbenodi am gyfnod pellach o dair blynedd.

Cymhwysedd

Bydd angen i'r ymgeiswyr llwyddiannus ddatgan eu cymhwysedd i fod yn Aelod Pwyllgor a chwblhau gwiriad GDG. Bydd disgwyl iddynt ddatgan unrhyw wrthdaro buddiannau sy'n effeithio ar gyfrifoldebau a thrafodaethau'r bwrdd, ar adeg penodiad a chyn y cyfarfodydd pwyllgor perthnasol.



Sut i gyflwyno cais

I gyflwyno cais, ewch i <https://starfishsearch.com/jobs/victim-support-wales-committee-members/> a chliciwch ar y botwm gwneud cais, gyda'r canlynol wedi'i baratoi:

- Eich CV (heb fod yn hwy na thair tudalen).
- Llythyr esboniadol sy'n nodi eich ysgogiad am y rôl ac sy'n disgrifio'r profiad penodol y gallwch ei gynnig i'r penodiad.

Byddem ni hefyd y ddiolchgar pe gallech gwblhau'r ffurflen monitro Cydraddoldeb ac Amrywiaeth ar y broses cyflwyno cais ar-lein. Mae'r ffurflen hon at ddibenion monitro'n unig ac ni chaiff ei thrin fel rhan o'ch cais.

Y dyddiad cau ar gyfer ceisiadau yw **Dydd Llun 29 Rhagfyr 2025**

Amserlen recriwtio

Dyddiad cau:

Dydd Llun 29 Rhagfyr 2025

Cyfweliadau cychwynnol:

wythnos yn dechrau 12 Ionawr 2026

Cyfweliadau Panel terfynol:

wythnos yn dechrau 2 Chwefror 2026

